

內外問刑衙門遇有在京衛分委官把總軍吏人等  
前去通州倉閱糧通同作弊巡倉御史備由送法司  
提問連灰做工等項發落其通州等衛并在京府  
衛所屬官舍軍民人等逃移各處并買賣之人有  
犯雜犯死罪以下俱照在外事例一体納米嚼嚙擺  
站等項發妖言等項重情仍解法司例

成化十三年八月初七日都察院左都御史王

等題為陳言發落罪囚事雲南道呈刑科抄出巡按  
直隸監察御史楊謚奏照得通州地方密近京師軍  
民雜處其倉官攬典軍斗包攬囤踴買頭人等收放  
作弊及冒支盜賣尅減誑騙等項情犯其間多係在  
京各衙門所屬舍余人等在於通州去處居住買賣  
營生者及逐月放支京衛官軍糧米多被把總軍

吏設為奸記展轉止調通同慣熟小脚及尅減冒支盜賣者及問被人陳告或緝拿事發就行外回在京雜累次行文提取不肯前來聽理致使文卷經年累月不能完結卷查先因問過徒罪以上囚犯係通州左右等衛直隸衛分者照依在外事例問發納米哨寮係通州等在京衛分者照依法司事例問發送工部軍炭運灰做工近將問擬京衛徒罪人犯亦照前例轉發做工工部該司又稱查無徑收巡按監察御史問送之內難以報科引工有碍收發今查法司見行事例在京軍旗舍余軍吏人等有犯除犯該死罪外雜犯死罪徒杖罪審有力者俱運灰納鈔等項贖罪無力者俱做工滿日管杖罪或的決發落又查得刑部題

准事例通行各處巡按御史并都布按三司等衙門見行

事例問擬囚犯除犯死罪外若其余例該納米贖罪審其有力不分官吏軍民人等俱以近就近定撥缺糧倉分照例納米如軍民人等審無力者管杖罪依律的決徒流罪各照年限煎鹽炒鉄擺站哨嘹發充儀從雜犯死罪亦准令擺站煎鹽旗軍舍余哨嘹各五年滿日發落切照通州衛所屬及在京各衛舍余人等未此居住者雖在京人數却與直隸通州左右定邊神武中等衛俱在一處其犯罪者欲照在京事例發落但先前從發運灰做工者止有該衛轉解依准在卷不見工部該司工滿發落文移衙門隔別無憑稽考先該司亦稱難以報科引工有碍收發欲照在外事例發落緣前項人犯又係在京人數恐與法司見行事例不合來通州衛定邊等五衛俱各去京四十余里所在既同法當一律若必分別在京在外各



照事例兩樣發落非惟事体不一抑且用法欠均其一放粮作弊軍吏人等居處衛所俱係在京又非通州之比若在倉事發巡縣回京不行追究則人人效尤愈肆奸頑罪無所懲矣如蒙乞

勅法司計議定奪合無今後但係在京衛分軍士前來通州倉閘支月粮其委官把總軍吏人等如有似前作弊在倉事發者將所犯情由抄送法司就近提問若係通州衛及在京各衛門所屬人數在於通州等處地方居住買賣居住營生在倉有犯若巡倉監察御史就便提問如律通州直隸左右等衛旗軍余人等有犯一体俱照在外事例納米哨察等項發落等因具本該通政使司官奏奉

聖旨都察院知道欽此欽遵抄出到院臣等會同刑部大理寺左侍郎等官杜等議得巡按直隸監察御史

楊謹奏言在京衛分委官犯認軍吏人等逐月通州閘支月粮通同慣熟小脚尅減冒支盜賣聞知被陳告緝拿就行遊走四京鄰近行文提取經年累月不肯前來以致文卷不能結絕今要將所犯情由抄送法司就近提問及言通州雖係在京衛分抑與直隸通州左右定遠神武等處地方居住買賣者有犯該照在京事例運炭做工轉解工部該司却稱難以報科引工有碍收發今要比照在外事例發落所言有理但在京一應官舍軍民人等不獨近在通州居住買賣遠而四方以此者甚衆擬合通行度得情法兩便為此合無總行內外問刑衙門今後遇有在京衛分委官把總軍吏人等前去通州倉閘支月粮通同作弊事發者巡倉御史務將所犯實情備由抄送法司就近奏提究問照依做工運炭等項事例發落其通

州衛并在京府衛所屬官舍軍民人等遷移各處居住并買賣之人有犯罪者除犯死罪外其余雜犯死罪徒流笞杖罪名俱照在外事例一体納米哨瞭擺站等項發落中間若有妖言等項重情仍解法司具奏定奪如此則法令歸一事亦完結便益緣係陳言發落罪囚及奉

欽依都察院知道事理未敢擅便具題奉  
聖旨是欽此

運磚運灰炭等項囚犯無力監追半年之上未完  
者改撥做工例

成化十五年二月十四日太子少保刑部尚書林  
等題為陳言事廣西清吏司案呈奉本部送准礼部咨  
礼科抄出中城兵馬指揮司副指揮刘岳奏稱謹述五事上瀆  
天駟乞

賜采擇施行等因開坐具本該通政使司官奏奉

聖旨該衙門知道欽此欽遵抄出除嚴夜行一件另行外  
所言清獄囚等四件移咨送司案呈到司看得兵馬  
副指揮劉岳所言重軍賊禁誑騙二事俱有見行事  
例罪囚因事有室碍難行外准清獄囚一事開稱本  
司監禁囚犯俱依法司送來監追各項贓物并工部  
送來監追運灰運炭等項官吏軍民人等中間家道